



INSTRUCCIÓN 12/2020, DA XERENCIA DO SERVIZO GALEGO DE SAÚDE, SOBRE MEDIDAS EN MATERIA DE SELECCIÓN TEMPORAL, PARA OS/AS PROFESIONAIS EN SITUACIÓN DE INCAPACIDADE TEMPORAL PROVOCADA POLO VIRUS COVID-19

O Real Decreto-Lei 6/2020, do 10 de marzo (*BOE* núm 62, do 11 de marzo) polo que se adoptan determinadas medidas urgentes no ámbito económico e para a protección da saúde pública contempla no seu artigo quinto que “*para o obxecto de protexer a saúde pública, consideraranse, con carácter excepcional, situación asimilada a accidente de traballo, exclusivamente para a prestación económica de incapacidade temporal do sistema de Seguridade Social, aqueles períodos de illamento ou contaxio das persoas traballadoras provocado polo virus COVID-19. En ambos supostos a duración desta prestación excepcional virá determinada polo parte de baixa por illamento e a correspondente alta. A data do feito causante será a data na que se acorde o illamento ou enfermidade do traballador, sen prexuízo de que o parte de baixa se expida con posterioridade a esa data*”.

A Instrucción 4/2020, da Xerencia do Servizo Galego de Saúde, sobre medidas en materia de persoal como consecuencia do novo coronavirus SARS-CoV-2 habilita na súa cláusula terceira a prorrogar os nomeamentos eventuais máis alá da duración máxima prevista na Orde do 1 de xullo de 1997, pola que se regulamentan as modalidades de formalización do vínculo do persoal temporal, naquelas categorías e ámbitos territoriais nos que se evidencia unha situación de indisponibilidade de profesionais.

No marco da regulación exposta e dada a situación excepcional que está a obrigar ao reforzo dos equipos sanitarios para atender a carga asistencial derivada da atención do virus COVID-19, procede ditar a oportuna instrucción que fixe unha regulación xeral e uniforme en todos os centros sanitarios da situación dos profesionais con nomeamento temporal no Sistema Público de Saúde de Galicia, que durante a vixencia do seu nomeamento, sexan declarados en situación de incapacidade temporal

Instrucción 12/20



cando esta teña como motivo exclusivo un período de illamento ou contaxio provocado polo virus COVID-19

INSTRUCCIÓN

Única.- A aqueles/as profesionais que estean a prestar servizos no Sistema Público de Saúde de Galicia en virtude dun nomeamento temporal de carácter eventual, e que durante a vixencia da súa vinculación sexan declarados na situación de incapacidade temporal polo motivo de illamento ou contaxio provocado polo virus COVID-19, estean ou non a prestar servizos en Unidades directamente vinculadas coa prestación asistencial a pacientes afectados por este virus, manterán a vixencia do seu nomeamento e prorrogarase lle este, como mínimo, ata que se expida a correspondente alta médica por este motivo.

A prorroga do nomeamento do/da profesional, máis alá da alta médica, virá determinada, no seu caso, por necesidades asistenciais.

Santiago de Compostela a 8 de abril de 2020

O XERENTE DO SERVIZO GALEGO DE SAÚDE
Antonio Fernández-Campa García-Bernardo

